

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

ETXEBIZITZA ETA ATERPE ESKUBIDEAREN INGURUKO KONTROL MOZIOA

Olaia Duarte Lopezek, EH BILDU udal taldeko zinegotziak, Udalbatzaren Organo Araudiaren 98. artikulua oinarri, mozio hau aurkezten du Udalbatzan azter dadin. Mozioa 2021eko otsailaren 15ean Pertsonen Batzordean aztertutako interpelazioaren ondorioa da.

JUSTIFIKAZIOA

Urtarrilaren 28an Donostiako Harrera Sareko kideek adierazi ziguten bospasei pertsona bizi zirela Satrustegi Etorbideko eraikin huts batean. Dirudenez, 23an, Udaltzaingoak etxetik atera zituen gaueko 21:00etan eta ez zien utzi berriro sartzen zein haien gauzak jasotzen, etxeratze agindua 22:00etan hasita. Aipagarria da bertan zeuden pertsonetako batek ezgaitasun bat duela (itsua da), horrek eragiten duen zaurgarritasun egoerarekin.

Bestetik, otsailaren 3an, etxerik gabeko beste 7 pertsona kaleratuak izan ziren Aieteko eraikin batetik (Fedearen Pasealekua). Kasu honetan, kaleratuen artean 18 urteko neska bat omen zegoen, genero ikuspegitik inolako interbentziorik egin gabe, nahiz eta Etxegabekoen Estrategiak eta hainbat protokolo horren garrantzia jasotzen duten.

Ondorengo asteetan, kaleratze gehiago gertatu ziren Firestoneko eremuan eta Infernua deritzon auzunean (gogora dezagun 2020ko azaroaren 4ko gauean ere 60 bat lagun kaleratuak izan zirela auzo honetan, etxeratze agindupean eta inolako irtenbiderik gabe).

Gauzak horrela, astetik atera handituz doa gure hirian kale egoeran dauden pertsona kopurua, egoera zaurgarrian eta inolako etxebizitza irtenbiderik gabe, ardua guztiak hirugarren sektoreko eragile zein elkarten edo herritarren elkartasunaren esku utziz. Gainera, 2020an egin beharreko kale gorrian izeneko kontaketa ez da burutu, eta egun ez dugu argi zenbat pertsona dauden etxebizitza eta aterpe beharrean gure hirian, nahiz eta estimazioek dioten 400 pertsonen hitz egiten ari garela (baliabideren batean edo kale gorrian daudenak kontuan izanda).

Argi dagoena da gure hiriburuak ez duela inondik inora bete 2016an Etxegabeentzako Euskal Estrategian sinatutakoa. Hau da: gutxienez, % 20 murriztea kalean, EAEko udalerrri nagusietan, lo egiten duten pertsonen kopurua 2020rako.

Otsaileko batzordean honen inguruan interpelatua izan zenean, delegatuaren erantzuna izan zen Donostiak gizarte zerbitzuen alorreko lege eta dekretuek ezarritako plaza kopurua betetzen duela eta egun 83 plaza daudela etxerik gabeko pertsonen aterpea emateko, eta 63 beka berezi gela alokairuak ordaindu ahal izateko.

EH Bildu talde politikoa

Grupo político EH Bildu

Ijentea, 1 - Tel. 943481027 - www.donostia.ehbildu.eus -
20003 Donostia

Legediari dagokionez, badirudi “minimoen konpromisoak” agintzen dutela eta Udal Gobernuari ahaztu egiten zaiola Eusko Legebiltzarrak onartutako 3/2015 Legea, ekainaren 18koa, Etxebizitza eskubidearen ingurukoa, eta urtetik urtera handitzen ari den arazo sozial honi aurre egiteko beharrezkoa den borondate eta ardura instituzionala. Bitartean, 2016tik 2018ra Donostiako kaleetan bizi den pertsona kopurua bikoiztu egin zen eta, kontaketa berriaren zain gauden honetan, badirudi azkeneko bi urteetan egoerak okerrera egin duela.

Hortaz, azaldutako egoera kontuan hartuta, behean sinatzen duen zinegotziak honako MOZIO hau aurkezten du:

KONTROL MOZIOA

- 1.- Udalbatzak hertsatuki eskatzen dio Udal Gobernuari, hirian kaleratze bat egon behar dela jakiten duenean, Udaltzaingoaren eta Gizarte Ekintzako sailaren arteko interbentzio konpartitua abiatu dezala, kaleratutako pertsonak noraezean gelditu ez daitezen.
- 2.- Udalbatzak hertsatuki eskatzen dio Udal Gobernuari, etxebizitza eta aterpe eskubidea bermatzeko helburuz, Foru Aldundiarekin zein Gipuzkoako beste udalerrri batzuekin lankidetzara abiatu dezala, kale egoeran dauden pertsonen egoerari erantzun koordinatu eta efiziente bat eman diezaiozun.
- 3.- Udalbatzak hertsatuki eskatzen dio Udal Gobernuari, 2020ko urrian aurreikusita zegoen “kale gorrian kontaketa” egin dezala (egungo segurtasun neurriak mantenduta) hiriko diagnostiko eguneratua izan dezagun.
- 4.- Udalbatzak hertsatuki eskatzen dio Udal Gobernuari, 2020ko martxotik bizi dugun krisi sozio-sanitarioak areagotutako arazo sozial eta ekonomikoen aurrean, egoera zaugarrian dauden pertsonentzako baliabideak handitu ditzala.

Donostian, 2021eko martxoaren 18an

Olaia Duarte López
EH Bildu udal taldeko zinegotzia